



THUNGETZIA HONGHILH IN

Lesson 2 ading January 13, 2024







Khatvei, Zeisu in mun khatah thu a ngen hi. A thunget a mankhit ciangin a nungzuite khat in, "Topa aw, Johan in a nungzuite ahilh bangin kote zong thungetzia honghilh in," aci hi.
(Luka 11:1)

Pasian in Israel mite adingin thunget laibu pia hi: Late Bu.

Lai-atte in a kumpi le amau' nunna ah Topa' gen kammal thuuk-te
a thupi ngaihsutna uh lakkhia hi.

Lunghianna omlo-in, tua thuaknate ah ei mimal thuaknate a
kilangh khia sak hi.

Na dah ciang, Late simin. Na lungkham ciang, Late simin. Na
lunghian'na na neih ciang, Late simin. Maisak ding a kisap ciang,
Late simin. Na lung sungah nuamna tawh na kidim' ciang, Late
simin. Lungdamna na tuah ciang, Late simin.



Late zangin thungen in (James 5:13).



Haksat hunte-ah thungen in (Late 44).



Lungkiat hun ciangin thungen in (Late 22).



Uplahna le lametna kikaal ah thungen in (Late 13).



Kilamh thak nadingin thungen in (Late 60).

LATE ZANGIN THUNGEN IN

"Lungkhamna a thuak na om uhleh thu na ngen un. A lungdam na om uhleh phatna la na sa un" (James 5:13)

Phatna la dingin Late kizangh ahinhna kilangh hi (1 Khg. 16:9); ahihhangin tua bekah kizangh hilo hi.

Late khatsim in a kisapna zui-in a zat huai Pasian kiang thungetna hi: kahna; lungdam kohna; maisak ding nget na; a vaanglian lamlakna zon na; taangthu-te phawk kik ding; phat ding; hetna lakkhia ding...

Eite-in Late pen thungetnate ah bangci zat ding ihiam?

Late simin thungen in

Late' gelhpa in Pasian kammal a pulaak na ngaihsun in

Ama thunget na ahang' ngaihsun in kaan in


Na dinmun ah late gelhpa tuahkhak thu tawh kitehkaak in

Late in na thuak nate Pasian kiangah koi bangin lakkhia ding cih ngaihsun in

Nang hong to Late sungah na khat a omleh tuapen ngaihsun pha kik in

Zeisu le Ama hotkhiat nasep nate Late tawh zom in

A Kammal te na lungtang ah hong guan na dingin Pasian kiangah ngen in



HAKSAT HUNTE-AH THUNGEN IN

"Nangma hangin sunthapai-in kote hong kithat a, gan gote' tuu gawh ding bangin kote hong kikoih hi" (Late 44:22)



Na puaklah ding hamsatnate na tuahkhak ciangin Pasian in nang' tungah a khengval in hong thuak sak hi, ci-in na ngaihsun kha hiam?

Hithei, ahihkeileh zongh hilo thei hi. Ahihhang, tua bang cileng, a tam tawh hi-a, mimal ahizongin thungetna tawh bang lakkhia ding hiam?



Late gelhpa in tua bang sepding lunghianglo hi. Israel mite in kisuh/laaksakna, hawkhiat ngahna le thahna thuak uh hi. A kilawm kituak dingin bangmah semlo uh hi! Amaute-in Pasian kiangpan taikhialo ahihkeileh Amah tungah mawh bawllo uh hi (Late 44:9-19).

Late gelhpa bangin, eite-in thungetna tawh i lungsim thuak' nate le theihtheihnat Pasian kiangah suakta takin genkhia ding hi. Ih nuntak sung in thuman pu laak ni. A buaihuai penpen mun panin suakta thei cih ciameh in (Late 44:1-8), banghang hiam cihleh tuhun in aman banghang semlo cih i tel' kei hi.

Adiakdiak in, buainate le hamsatnate kawmkal ah zong itna le hehpihna om ahihna lunghian nading omlo hi (Late 44:26).



LUNGKIAT HUN CIANGIN THUNGEN IN




"Haksatna nai ahih manin kei tawh kigamla om kei in; kei a hong huh ding kuamah dang omlo hi" (Late 22:11)

Zeisu pumpi singlamteh tungah kikhai laitak in Late 22:1 aa kammalte tawh thungen ahihlam na mitkha tawh en in (Late 22:14); a khut le khe-te kikilhlet hi (Late 22:16); a pataau sak mihonte in um'cih hi (Late 22:7-8); ama puan a kihawm gaal kapte in encik hi (Late 22:18); dangtak in, a sih ding hun ngak in om hi (Late 22:15); ... lungkham mangbang.

Na dinmun in Zeisu bangin gimna thuak ahihloh hangin, khat vei teitei amah bangin lungkham mangbang in na om ngei hi.

Tua laitakin, Late in eite-in thungen in, tu-a i dinmunte kan tan in eite' nunzia kipuak kik nading in upna tawh i et dingin hong hilh hi. Pasian tungah lungdam kipak takin phat kik ding hunte upna tawh en in (Late 22:25-26).

Lungkiat thaneem hun laitak in Pasian in eite hong za ahihna eite-in i lung muang thei hi. Amah i muh theih loh hangin, ei' thuak haksaknate hong don ahihna kimu thei hi (Late 22:24).



UPLAHNA LE LAMETNA KIKAAL AH THUNGEN IN

"Topa aw, bang tanvei hi lai ding ahi hiam? Kei hong mangngilh paisuak ding na hi hiam? Bang tanvei kei kiang pan na maitang seel ding na hi hiam?" (Late 13:1)



Pasian in kei hong mangngilhta hiam? Khatveivei ciangin, kingaihsun thei hi. Late gelhte in hih pen kician takin lakkhia hi. Ahih hangin a lunghian' nate kheng in a lametna lak hi.



Late 13:1-2

Amah i thusimlohnna
Pasian in mawhsak:
"Bang tan'vei?"



Late 13:3-4

Gaalte a lungdam loh
nading thukkik nading
ngen.



Late 13:5

Amah in Pasian pen a
upna kip lakin
gupkhiatna a sang hi.



Late 13:6

A tawpna ah, amah in
phatna late a sa hi.


Ih Uplahna in, i muanmawh nate a sian' theih nadingin Kha in "i mit hong vaak sak" dingin i ngen ding hi (Late 13:3).

Hih Late in eite thungetna tawh Pasian in hong sepding in ngen ding siang takin gen hi. Late sung ah kamciamte in eite ading ahihna i lungmuang ding hi.



KILAMH THAK NADINGIN THUNGEN IN

"That Your beloved may be delivered, Save with Your right hand, and hear me" (Psalm 60:5)



Adang khempeuh sangin, hih late in eite honghilh hi:

 Pasian pen lungsim khempeuh tawh muang ding (Late 60:11)

 Leitung nate mai-ah pahtawi piakna (Late 60:4)

 Khutsung a om tumging tawh: "Pasian sungah na lianpi i semding hi" (. 60:12)

Kahna late – 60 bangin – taksa tawh ahi-a, lungsim tawh ahi zongin ahihkeileh kha gimnate (ahihkeileh a vekpi) ah kilak khai thungetna hi.

Gentheih haksatna in thuman le thumanlo mite' tuah khak tawmno khat ahihna theih nadingin tua in honghuh hi.

Pasian in ukcip ahihna le eite a hun lap in honghon ding cih theih nadingin honghuh hi (Late 60:5).

Ih gentheihnhate in leitung linglong cih a muh ciangin Pasian kiangah a pulak late gelhte bangin "mi gentheite tungah hehpih theih nading panpih hi" (Late 60:2).



“Khimziinna le lungkhiatna in khatveivei i kha lungsim hong huzap in eite hongtuam in hong linglawng sak thei ding hi; ahizongin i lungmuana khahkhialo ding hi. Eite in i thuakna ahih keileh thuakna a om kei zongin Zeisu bek i mit suan ding hi. Ih theihsa vaipuak khempeuh citak takin semding, tua khitcing Pasian’ kamciamte ah daaitak tawlnga in hanciam ding hi. [...]”

Zani a i ngah kilemna le nopsakna-te tuni in ngah kik theilo hi; eite ihihleh, upna tawh Khris khut lenkip in khuavak sungah om bangin khuamial sungah zong kiptakin up ding ahi hi.”